

Shun 3rd Nov 1898

大清光緒廿四年

本館新聞除禮拜外日出一
紙外埠均可函致本館取
閱如外埠閱報加寄費不
也除日本從英常刊送外復
惜各工本從英常刊送外復
紙活字及各式花邊等延
刊印書簿單件並有英各
西人排印工藝甚精所有
印文字均能刊印並有石
印字大小機器均用精工刊

第五千零八十五號



報叻

(號七第牌門口虱巴舊在設開館本)

戊戌九月二十日

印工綴絕倫並延有文士書
寫各體文字現由上海購到
各種書籍出售其書目另行
刊佈所有各項價甚相宜再
本館所登來札原擇其有關
世道人心者附登否亦須無
礙於人而後始錄其有謾罵
成文以及支離費解者概不
登錄嗣後諸君來札尚祈
自諒更須寫真爵里而後敢
登但來稿登與不登均不能
將原稿收回也 本館謹白

大英一千八百九十八年十一月三日號四拜 仙壹字每日常告價五張每售圓一月每

粵漢鐵路公司招股啟 ○竊維鐵路一事為創立富強之基裕國便民海當今之急務邇者津蘆
山海關各路均已一律告成而蘆漢蘇滬兩路亦已籌款興辦現擬籌辦粵漢幹路以接蘆漢及推辦福建
廣西支路規合宇內全局惟自粵但漢軌路三千餘里工程浩大需款數千萬兩除經 督辦鐵路盛大臣
向美商借定美金四百萬磅作為辦料製器外所有購地造廠尚需銀約一千二百萬兩之譜歸商集股承
辦作一十二萬股每股銀一百兩業由本公司稟商 盛大臣議定章程商辦事權由商自主勸路購
地由官保護定章美國借款週息五釐商股集款週息六釐均由收銀之日起息每年鐵路所獲運資除開
費及還兩項週息外溢息均作十份以二成歸美商債主其餘八成盡歸股東均分或將該項攤還債主
俟借款還清後該路即概歸股東營業款由美商揭借路亦訂由美國保護俟開辦之日擬將商資商辦情
由呈請商告各國以期利權永保本公司初意擬在粵先辦招股因粵省適辦昭信股票不欲同時並舉是
以先由外洋開辦期期踴躍一切辦理條目已列在開辦章程二十條以及簡明招股章程十條內現定於九
月二十二日由坡開招如願附股者可到本坡大清領事署或叻報館主筆處單邊街文行堂天南新報館
椒蜜公局星報館萬安和藥局水仙門湯廣生升旗山脚上合甘蜜店各處將章程取閱悉謹此佈聞
大清光緒二十四年九月二十日 大英一千八百九十八年十一月四號

奏辦鐵路公司總董花翎二品銜馮錫先道前檳榔嶼領事官新嘉坡等處總領事官張振勳告白
讀八月廿四日禁報館 上諭書後

報館之設始此比利時而盛於英法美今則天下五大洲其國最強者其報亦最多即以美國而論一國之
中大小報館不下數千間英法德等國亦以千數計而最盛者則以英京倫敦之太晤士報為首屈一指每日
出報約數萬張其主筆皆名公巨卿通儒碩士或致仕宰輔藉以辨論朝章或游歷大員歸而紀載國政人
無善惡事無洪纖皆據實而書有聞必錄蓋善者固足興起人之善心惡者亦足懲創人之惡念下情因而
上達後事覺於先機故上而朝廷下而草野無不各一紙家各一編擇善而從可作芻言之上獻謏謗而
外從無籍口之禁章有報館矣中國通商以來道咸年間已有西人來華創設報館同治初年 皇太后垂
簾聽政國家多故邊畔迭開上下臣民不識外事以故所立和約盡失中國利權自香港上海設有報館而
粵垣繼之於是華人始知外國風土人情及其利弊善惡得通儒主持筆政凡外國之舉動中朝之交涉政治
之得失風俗之隆污皆援古以證今因此而悟彼開有論及時務而見諸施行者亦無不可維風化而篤邦
交固不僅如古人所云不出門能知天下事也迨中日議和而後 皇上發奮為雄廣開言路乙未丙申
之歲學下 諭旨飭令天下各省廣開報館以開民智而識外情南皮張制軍及各省學使大憲復迭出
告示諭令文武官員軍民人等均須購閱報紙以識時務而臻富強至以報館主筆而出為領事使臣者有
不勝優指是則報館之有益於世道人心及主筆之確非斯文敗類有可知也本年六月復因孫中堂家策
之奏有將報紙遞呈 御覽之諭大哉王言中外臣民莫不稱慶是即懸輯建鐸明日達聰復古之隆
規中興之盛治也曾幾何時言猶在耳乃八月廿四日忽奉 上諭查禁報館以報館為誘言亂政惑世誣
民又以主筆為斯文敗類不顧廉恥嗚呼同一報館也何前既令人廣開報館又禁人勿開耶同一主筆也何
前則謂開人智而後則謂惑世妄言耶且不獨汚其名復飭地方官嚴行訪拿從重懲辦則報館主筆又
犯何罪耶雖欲加之罪不患無辭然上海天津漢口各處報館多為西人所開西人最重報館報館最重主
筆今無故而加之罪實於聲名生運大有傷礙誠恐滋生事端矣況乎朝廷為治下一令堅如金石行一政
信若四時今前後不過兩月而功罪判若兩途是不特朝令夕改抑且出爾反爾矣或曰是禁也殆因康有
為於未獲罪之日曾奉 諭旨着充官報局總辦其徒梁啟超亦嘗為上海時務報主筆秀言亂政蓋有所
指也然以一人之獲罪而波及其餘似非王政所宜出況各處之報館日出無非內聖外王之說尊君
愛國之心烏可以彼例此且各報館之設多在康有為梁啟超未第以前更有與彼二人不相識者何竟因

咽廢食罪及無辜耶若謂彼二人曾開報館則凡報館皆宜悉禁然則一官犯法凡與之同職者俱裁汰之乎無是理也或又曰禁報館是防民之口也顧防口甚於防川即能禁各省之報館而不能禁外洋之報館也能禁華人之報館而不能禁西人之報館也不知其不可禁而禁之是徒勞也知其不可禁而禁之是招外侮也烏乎可 按右稿乃友人付來據言恐省報不便錄登故函懇附錄本館重違其意且言亦近理故從之

上諭恭錄 ○九月初八日奉 上諭前因廣西匪徒滋事擾及梧州鬱林各屬迭經諭令譚鍾麟黃槐森蘇元春等派兵剿辦先後將被陷之容縣陸川北流等處次第收復黃槐森並由省馳赴鬱林州扼要調度將匪首趙大壽謝三妹戴大王四等各股節次蕩平擒渠殲黨撲滅殆盡連日據譚鍾麟蘇元春黃槐森先後電奏極暢現已一律肅清團練保甲辦理就緒前調各營分別撤回酌留等情覽奏深慰廑系著譚鍾麟蘇元春黃槐森督飭營將將漏網匪首李立亭封錫光上緊搜捕務獲懲治以清餘孽所有各屬善後事宜務當慎選收令認真管理勿稍玩忽其一切詳細情形并著由驛馳奏餘依議欽此

英電譯登 ○本坡實得力太晤士西報接十八日英京來電云英廷現經定議調集戰船一大隊在於不來模地方駐紮以示必戰之意云云是日下午電言英國調集海軍以示必戰一事甚為確鑿且現在英國各處水陸諸軍均甚忙劇又聞英國巴馬報云英廷業經定議將欲義勇及太平勇隊概行調集以備非常也

法埃電音 ○本坡實得力太晤士西報接十八日英京來電云法將馬督現駐借老都城以候廷命云云按昨電已言法廷已命馬刺知亞赴埃密授馬督方畧想馬督駐埃坐候即緣此故也

德皇遊電 ○本坡實得力太晤士西報接十八日英京來電云德皇與后經於前禮拜六日行抵柔汝沙南境內當其入境之際沿路均有土國兵將嚴列路傍鴉候是亦可見土王敬恭之處矣

廈事兩則 ○十二日廈門來信云德忌利士之海龍輪船於是早由淡水到廈乃該船之二層客艙於十一夜不知何故忽然失火幸經灌息惟貨物等不免被火所傷至各搭客則死者二人傷者四人來信又云有小輪船近由同安縣屬之石滯地方駛赴廈門不意中途與某渡船相碰致將該渡船沈因是之故溺斃多命云云

白蠟虎患 ○白蠟來信云該處近多虎患是以國家經已預備兵車一隊偕同獵戶前往山澤之間搜捕矣

英將學習華文 ○倫敦信言現在英廷業經定議欲派水陸將佐前往都門學習中國語言文字每歲考試二次能獲選者量予賞錫所有已經考取之員他日英國在於東方之事務員辦理即可以此輩充補云

局員告退 ○本坡工部局向例每屆年終必有數員告退以便另舉新者承充此常例也茲悉該局昨經會議共圖告退之員因圖得蔡君仲泰大狀師蘭申君及總巡捕官三人例應告退云云然則將來又須另舉賢員充授矣

要聞傳說 ○昨日叻地風傳實得力國家已諭知在叻之海軍後備兵着其嚴備一切以候軍令云云按此等海軍在叻者止有兵官一員及兵軍五六名然亦奉到將令想此等兵軍在於各地者均已一律奉命矣時局亦岌岌也哉

難脫樊籠 ○頃閱本月初六日上海北中國西報云現在京中傳說 上在瀛台靜養太后命人防守甚嚴 上居之處係在湖中向皆以橋來往今奉太后之命將橋拆去所有傳送飲食等物均以舟楫往來一日不知何故 上忽得以渡湖登岸即欲逃出苑門適為守苑之人所見立即將門扇閉旋督內監等多人跪於 上前求勿出門并言 上若一出則臣等諸人均當伏法惟望哀憐少留臣等之命云云見眾哀求不得已長歎一聲仍回臺內旋即有人飛報大內皇太后處旋奉太后之命着諸內監等以後務當慎為防守云云

密殺未確 ○張樵野少司農奉 旨遣成一事迭經登錄閱西報述其在於路上受黑詔將其殺斃等語言之鑿鑿至再三不啻曾恭殺人故本報錄而疑之茲閱港報云粵垣張府已接電音謂公尙安可知密殺之事尙為未確然又有謂其為途中患病者不知確否

謀賊未成 ○紐約七月二十二日來信云頃接俄國信息在舊京橫士高之俄人謀於俄皇所居之室牆內遍置煤氣室中藏匿一人俟俄皇臨幸時令其人將煤氣燃着為焚斃俄皇之計室中藏匿之人名高諾夫當俄皇先鋒官及眷屬先至是室高諾夫誤以為俄皇已臨遂將煤氣燃着室中轟炸高諾夫亦葬身火窟中俄皇及后閱二十五分鐘始抵該處幸免於難然亦險矣中外日報譯外洋報

面 聖補詳 ○日相伊侯於去月初五日朝覲 皇上已將其畧紀於前報中茲更得其詳為補序如左聞是日面 聖之頃 皇上待伊侯以王禮賜坐於 御座之側慶邸陪之而日本之公使及其參贊數人則坐於其下距伊侯所坐之處約有三尺故皆能瞻仰 龍顏且能聽詞了了伊侯先奏外臣來華乃係遊歷非奉廷命而來今幸得蒙 賜覲極為感恩然仍求准外臣上言以表寸悃刻聞 貴國整理新政乃圖治之本外臣聞之不勝欽仰之至因如此變法國必自強與敵國為唇齒相依自可保東方太平之局外臣歸報於敵國之主當亦欣然惟望陛下始終自強不肯或惰則東方臣民之福矣 皇上聞而大悅諭之曰侯之賢聲朕久已聞之矣今得面晤甚慰於懷伊侯遜謝曰是乃過

舉彌見皇度淵冲 皇上又問伊侯何日由東瀛啓節伊侯答以一月前動身在高麗勾留十日 皇上又問沿途安否答以藉福無恙又問貴國之主係康健逾恒答以做主亦甚託賴又問貴國政治自經新以後各國皆不敢輕視由侯之忠肝義胆善於救時故能蒸蒸日上如此答以此由做主宵旰勤勞各臣效力至於外臣不過少效馳驅耳言至此適有中國兩大臣在御前護衛者互相耳語似甚嘉伊相善於應對 皇上又云中國與日本有同洲之誼理應較為親切相好無尤今朕欲圖治勵精望侯將貴國所以改政之由向總署王文韶力陳一切俾得有所依仿而行答以既承辱問敢不獻誠凡有所知及有利於貴國者無不直言以俟採擇 皇上又云朕目下之意欲與貴國聯好盡釋前嫌答以倘藉陛下覆憐之恩與兵結好此區外臣所至願亦兩國之人共馨香以祝之者也又云侯擬在俄京住多少時日答以外臣初念本擬客遊十四日之久今既蒙垂問頗多駐蹕數天又聞出京後將往遊何處答以將遊上海及楊子江等處 皇上點首微笑伊相乃與諸臣告退焉此可見皇上急於變法欲伊相將所以治日本者告於王慶帥而轉奏於 黼座也乃事不從心內變猝起豈天之不祥漢乎何以有此反覆

札飭禁報 ○為飭遵事光緒廿四年九月初二日奉 兩廣總督部堂禮札開現接總署來電光緒廿四年八月廿五日奉上諭恭言亂政最為生民之害前經降 旨將官報時務一律停止近聞天津上海漢口各處仍屬報館林立肆口逞說捏造謠言惑世誘民罔知顧忌亟應設法禁止著各該督撫認真查禁其館中主筆之人率皆斯文敗類不顧廉恥即由地方官嚴行訪拿從重懲治以息邪說而靖人心欽此合就恭札行到即便會藩司轉飭各府縣查明所在報館一體欽遵此示嚴禁毋違等因奉此除咨 藩司一體備移飭遵移咨各巡道飭屬欽遵出示嚴禁外合札飭札到該府即便轉飭所屬各縣查明所在報館一體欽遵出示嚴禁毋違此札右札廣州府及移各巡道飭屬欽遵出示嚴禁相應移會為此合移

迎兵保護 ○京師來函云八月廿二日步軍統領左右兩堂憲率兩翼官兵迎接英俄德三國保護使館之洋兵入城兩堂憲候於前門外官廳俟洋兵隊伍入永定門堂憲率兵迎迓至天橋進南洋兵首領官乘馬在前引洋步兵二隊馬兵一隊洋兵各執鎗械魚貫而行隊後曳洋式砲車三乘兩翼官兵排隊引路兩堂憲乘車押送至東交民巷洋隊各歸使館官兵然後散去一時前門外大街路旁扶老携幼聚觀如堵洋隊兵丁又各在使館中演習隊伍數刻然後息歇

時事錄要 ○京師來信畧謂近又有日本兵三十二名進京以致京中見洋兵愈多人心愈形惶惑政府特派親王分赴各國使署諭以此後勿再添兵所有各處使署可由中國發兵保護不意各欽使不約而同覆以不再添兵之說毋庸阻止且言中國不應擅殺擅革一切變法各員須知變法實為有益國事起見若操切過甚竊恐地方不靖云云報中又言寓京西人刻下並無驚駭之事惟京中有權各官凡與西人通往來者守舊各員必與不睦同日該報又接重慶廿九日來電據云地方尚稱平靜謠言亦漸止息惟天主堂教師仍在匪目余燮子處未經釋放觀此則川中之事將來亦決非中國之福也

上洋火警 ○香港中外新報接上海來電云上海之廣東路於昨早慘遭大火共焚去舖戶二百五十餘所燬之物件刻未查悉想為數不資矣電文止此其緣何失慎及有無傷斃人命俱未待而知容俟續聞再為登報近日各處多召火厄不知其所以然得毋天步艱難即民多橫禍乎若然則中國君臣當修省以禳之

火警頻聞 ○香港西字報接上海來電謂漢口自去月十六日起至本月初四日僅閱十八天而該鎮之遭火劫者大小共六起為前此所未見或疑為匪人放火所致惟無顯憑大抵敢疑之由則因前者四川廣西均有土匪煽亂迫被官兵剿洗後即逃竄於四方多有以漢口為逃遁之藪者該影賊性仍在意在掠財惟該鎮之商民每嚴戒備苟非縱火則無以遂其心故火警頻聞較前為盛也來電又云伊侯往遊揚子江刻已轉回上海擬於日開往蘇州遊玩

又一烈婦 ○閩省來函云前內閣中書林旭閩省東關外人前科捷南宮始捐納內閣中書銜本屆經人保送入都蒙 恩召見賞給四品京堂閩人士聞之罔不嘖嘖甚羨近羅大辟其妻沈氏係沈文肅公族女秉性賢淑頗知大義適林未逾三載尚未生子女前得耗之下哀痛異常誓以身殉親屬善勸且步步隨守未能遂志嗣於某日入定之後乘人睡熟暗取紫烟膏吞服比聞呻吟之聲知必有異設法灌救奈受毒已久一縷真魂竟隨夫地下而去其情實慘其志堪嘉是當志之以彰柏節者也

甘為罪魁 ○此番復八股禁報館皆由某侍御所條陳者按某侍御籍隸紹文前年以強學會諸人議論朝政臧否人物急急皇皇請旨封閉今忽又有此舉此言如確正不知侍御平日作事有何中餒以致畏人多言若此

藎荷不靖 ○熱河所產藎粟現在甚旺收藎時購者爭趨惟恐或後然該處暴客橫行必成羣結隊携帶槍械始可前往十日距熱河東北約一百六十里地方有盜十七人擄得銀物聚飲山頭為土人偵知集眾往捕當場格殺四人擒獲四人解至王府用鎗轟斃地方官必須整頓捕務方可便行旅願出其途否則盜賊出沒必致商人裹足也譯文滙報

吉省商務 ○吉林省城西北阿什河地方雖由俄人興造鐵路其實該處本為要道近來水陸碼頭較前興旺已有數倍并由俄國駛來輪船五六艘裝貨搭客頗覺熱鬧且又購地造房終日經營各思牟利說者謂不數年後舖戶稠密即成巨鎮恐利權外溢民間所得無幾也

地無曠土 ○吉林所屬樞樞梨廠相近地方因有生熟荒地二三萬頃去冬經省城礦務總局派文陳二委員前往該處設分局詳細查明直至今年本月始查悉生地計有一二萬頃除石子砂淤並放馬場不計外餘皆委員分別詳細丈量安置墾民居住之地將來一律成熟吉省農務當大有起色也

博羅鬧教 ○頃接粵垣遞來密信云惠州博羅縣屬近日又出有鬧教之事有法國教士一人被害此外教民之被殺者計有十三人之眾事聞粵憲立即調勇五百名前往剿辦云云按此事尚未見於粵港各報或者有司恐人心駭動故特嚴遏信息不許傳揚耶若然則益足見內地報館之難於言事矣

劫案詳臬 ○前報牛車水明火行劫一案當場捕獲粵人梁亞有陳亞三譚亞有三名十九日巡理府伊太守集訊此案據歌女馮亞賤赴案供稱向以度曲為生住居牛車水碩莪街第廿一零九號門牌打金店樓上十一晚十點十五分鐘之際余與傭婦亞三在前樓閒談未幾梁有等五人上樓余問何事答稱查搜私烟云云余時見諸匪登樓並無差役同來事有可疑之處正待查問詎梁與譚即各出利刀一柄架余之頸問余銀項藏於何處余云無有諸匪不信搜余之身果屬無有分文旋有賊人二名入同居婦亞七房中肆其搜索而被獲之陳亞三則持刀把守梯門不准傭婦亞三下樓復有二盜入各房中搜劫物件余即醒便欲潛下樓則因有人把住不得脫身是時亞七適因他出不在家中當時樓下有人大呼樓上有人眾喧騰係為何事余因被匪嚇禁不敢聲張諸盜即代答云要搜私烟并無別故未幾諸盜下樓而去余至此時始敢行至前窗高聲嗚捕因有巡差多名及往來之人幫同截捕始將梁陳譚等三人執獲餘二人被其逃脫并獲兇刀一柄余實認得此三人之容貌惟前者與其并不相識該樓共有兩門一從屋傍而入一則在樓下打金店內時店伴俱在門前因誤以為查搜私烟故未有登樓看視至同居諸人則余與亞意亞七皆未有夫七與余皆為歌女意則以針箭度日亞七有皮箱一具內有小白鐵箱已被諸盜擄破迫十一點鐘時亞七回來因同巡差入房查檢見其小箱棄在樓板上止失去洋銀二元及白銅水烟袋一具餘無他物云府尊詳訊一切証供畢判將此案詳解臬署核奪云

覆船斃命 ○近日海面風濤甚惡諸船隻常有失水之事本報已書不勝書茲復查悉有金門人許添與伴林昌吳里陳欽諸人由龍牙駕駛中舡載運亞搭葉來叻十三日駛至洞旁洋海面不意遇風覆舟諸人皆溺許與陳欽吳里皆覺洄至岸惟林昌因病不能覺水許憐之因復下水將其援救不意巨浪猝至遂將許林二人掃去無踪吳陳無從援救惟有望洋痛哭而已越二日有穆拉油船經此始得將吳陳載來叻中觀此一端益足以見航海之匪易矣

三罪內除開賭屋主一罪豁免外所餘二罪判各罰銀三百元此外尚有恐嚇証人之案則命展至廿一日再訊

府案 ○牛車水戲園街聯勝唱案婦黃亞三喊捕同籍人麥亞同黃亞志熊亞德羅亞三四名於案十九日府尊提訊據原告供稱麥等於十八晚九點鐘時來寮大鬧將各物肆其搗毀故鳴捕執之云云查該寮於前數日有粵人陸亞德康亞容黃昭仔三名在於寮中滋鬧毆打妓女德仔傭婦陳亞三致傷此案經在府堂審訊展至二十一日由兩堂會訊者今復有此案然則此兩案所獲之人諒係通同一氣故亦命將此案展至廿一日與前案一併由兩堂會訊○葡婦某氏控告瓊人韓亞芳竊銀三十九元五角同日提訊一次命展至二十八日由兩堂會訊○福清車夫高那祿控告車務局穆拉油差亞武於案云該差在小坡白砂埔街無端向其索賄二占用特將其控告云云同日府尊提訊畢判將該差監禁十四日

自縊報驗 ○小坡穆拉油塚場之處於十九早見有華人屍身一具縊於叢樹之間撫之已僵但尙未悉為何許人業由巡差報聞請驗矣

驗屍瑣錄 ○十九日下午有巡差在直落亞逸草埔內查獲華人屍身一具觀其裝束似係閩之乞人旋由差將屍身送往院中報聞驗請云

京報選錄 ○臣林轄存跪 奏為閩省久設官設醫學請 旨催辦以重民命而補時艱謹陳管見恭摺仰祈 聖鑒事竊七月二十四日恭奉 上諭孫家氣奏請設醫學堂等語醫學一門關係至重亟應另設醫學堂考求中西理歸大學堂兼轄以期醫學精進即著孫家氣詳擬辦具奏欽哉 皇誥 綸如綽晉天臣子咸樂太和而臣又有所請者願推此 聖德俾桑梓得同處熙熙皞皞之中也溯自甲午春季香港鼠疫盛行後蔓延各處閩省被其禍尤烈迄今五載此疫從無消息甚至症候變換日見奇速大抵染其疫身發大熱大毒不上對時立即斃命以臣所見廈門一隅及各郡縣或城村斷絕人烟者或此染彼傳滋滋不息者或就號疾痛之聲令人慘聞據西醫云閩地適處熱度之中地方穢雜不加清理故觸氣而發其症較他處尤重雖然不清街道之誤居其半而不設醫學之誤亦居其半苟醫學闡明死生理究何難推其意於清道也今閩欲創設醫學固自不難福州有英華書院廈門有同文學堂漳州有中西學堂皆足附庸此外各府村縣及諸村鎮以此善舉欲責

令該地紳富募建亦無不踴躍惟地方官疲玩成習且無為倡率非奉 嚴旨催辦斷難有成要者醫學之命意總以中學為體西學為用中學如靈樞素問內經難經仲景思邈及歷代所辦方藥所言理蘊舉而效之是也西學如窮理化學解剖生理病理藥性治療及其圖器神而用之是也上午課中學下午課西學務歸劃一中學教習可多聘論醫書明白醫理者任之西學教習如該學堂費本重大力能延聘西國名醫者聯具延聘否則閩省華人多出洋習醫習西醫可就中擇其確曉西法領有西醫憑照者漸權督課庶幾醫學易明而病害稍減矣敢請明降諭旨飭令閩省各地方官宜激發天良認真辦理視斯民之性命如己之性命當無悠悠忽并責其將擬辦章程及籌款若干速繕具清單予限覆奏以期醫學早日著效則生民早免一日疾苦也閩省本地富紳已不少且近今從小呂宋等埠歸者亦多攜帶鉅資如肯獨力創建醫學堂或合力舉設准照前奉 上諭破格獎勵如學生畢業之時由教習會同地方官考驗得實者准請 賞以醫職以為操醫執據或能獨參中西醫按妙悟新理確有裨益者准地方官專摺奏保 朝廷當優賞而激勸之其尤要者例載庸醫殺人罪加誤殺一等此例宜飭各直省督撫申辦由地方官傳令圖保明白曉諭各醫家并切實懲辦一二以為風勵其餘未盡事宜或參酌天津金陵上海等處醫院章程成就大學堂現擬醫學辦法仿照舉辦周官制醫食之法泰西有專醫權之條各宜參酌採擇總能迹混中外事期有成而醫學於是乎有精進不然上下掩飾有設醫學與無設醫學等也臣高日時艱深願醫學之行由一隅而推於一省由一省而推於天下凡我族黎咸沾 聖澤豈不懿哉其視別樣庶務易先著其功也臣為保衛商閭起見迫切直陳不勝屏營待命之至是否有當伏乞 皇上聖鑒訓示謹奏

棧開出稅 ○茲做號有新棧二間座落豐榮火礮邊上落水極便長一百十二脚氣闊三十六脚氣如諸商翁要租者祈移玉到做號內相商此佈 光緒二十四年九月十八日 豐源號謹啟

廈門平糶局告白 ○茲接三寶龍續准由建隆興來大銀肆仟元容不日捐冊寄到當即將各善長芳名一齊刊登 廈門平糶駐叻籌捐董事公啟 大清光緒二十四年九月十八日

大荷蘭國駐叻總領事官告示 ○大荷蘭國駐紮新嘉坡總領事官尼城 為招承餉碼事照得寥內及其所轄之賭碼賭碼欲招人承辦其碼係辦一千八百九十九年一載為期又抽收胡椒餉碼或止承一千八百九十九年兼招承至一千九百年及一千九百零一年均無不可以上各碼均定於忽民末月十四號即華十月初一日在寥內之丹戎檳榔出投汝等有欲承辦者其如期前往投充可也此諭 西一千八百九十八年十月二十號 示

英國灰出投 ○啟者茲定於西忽民末月四號即華九月二十一日禮拜五下午二點半鐘在實叻門A字貨倉內拍賣 羊標英國灰三百五十桶此灰經受海潮 諸君有合意購買者祈屆期 玉臨投買特此佈聞 吧越館主謹啟 大清光緒二十四年九月十九日 大英一千八百九十八年十一月二號

地段出投 ○啟者茲承地稅司命定於西忽民末月廿三號即華十月初十日禮拜三下午二點半鐘在本館拍賣 地段五起坐落直落亞逸羅民申路附近水龍局之處即舊巴虱對面及地段三區坐落芒古魯街又一地在華打汝實得力其地建屋一間係第八十號門牌所有拍賣章程概照英字所列而行 諸君有合意購買者祈屆期 玉臨投買特此佈聞 吧越館主謹啟 大清光緒廿四年九月十九日 大英一千八百九十八年十一月二號

上海自來火公司發售煤油告白 ○啟者茲上海自來火公司立約售賣之烏煤油計至西一千八百九十九年嗎只月二十號即已到期不日即欲招人入票承買此油用特先行佈告至該公司所出之烏煤油每年可得十五萬牙蘭之譜併此佈聞 機器師經喜勝奉眾協理人命謹啟 西一千八百九十八年屋多末月十二號

寫生妙手 ○陳君湘崖潮州人也性偶儻不羣彬彬然風雅士善書法且精繪事暇時藉以自娛不肯輕示人故知者寥寥昨於友人處見所寫花卉條屏骨格蒼老氣味悠長神品也仍佛任伯年先生手筆余雖門外漢亦展玩不忍釋手君住吊橋頭年盛號內同道者盍一訪之方知予言不謬謹誌數行以深景仰 大清光緒廿四年九月十五日 隨便英義比國駐坡委員洪錫昌謹告

實勝越禁止載運日銀入口示 ○特諭通知西本年屋多末月十八號實勝越國家新訂一章此章立後凡屬日本銀元概不准載入實勝越地方倘諸式人等有載運此銀入口者即將其銀充公特此佈告 西一千八百九十八年屋多末月十八號 在實勝越居精榜示通知

堪輿妙術 ○即用訓導林明長茂才閩之永春人也術擅堪輿為人忠厚樸誠世以地理著名茂才既得祖傳兼承異授不惟尋龍點穴獨具隻眼裁法幹旋別有匠心即斷土色論吉凶評燥濕歪斜亦無不如响斯應六月間為陳合春裁擇佳壤延請地師不少獨茂才所斷毫釐不差足信學有淵源名不虛著即楊會再生亦不過是現寓傲齋內凡有志求子眠佳穴者請嘗試之方知予言不謬也特此佈告
光緒二十四年九月拾三日
集文齋主人林永達謹啓

旺梨園出投 ○啓者茲定於慈民末月八號即華本月二十五日禮拜二下午二點半鐘在本館內拍賣 旺梨園地一坵坐落淡申律距坡約有七英里之遙大約有一百二十六希葛但該園地附近武吉加籠之處內有少許土糝雜其中 諸君有合意購買者其拍賣章程應俟屆期再行通佈此達
大清光緒二十四年九月初十日
吧越館主謹啟

敬告求書 ○張君鶴樓江之風雅士也幼就學於施少愚太史之門遂得筆法儒雅名噪一時茲因孫山落後偶作南遊於中秋節日抵叻行裝甫卸素耳其名者踵門求書如山陰道上應接不遑矣現寓於豆腐街順昌隆行中余忝知交有素敬獻數言於報端以俾同好者知方換鵝焉可
光緒二十四年九月初六日
友蘭居士陳少亭佈

精製眼鏡告白 ○眼科之理甚微筆難述約而言之則人之眼目雖稟賦不一然每至年老則恒兩目昏花此等眼患乃世人所不能免若非於少時預戴精妙之眼鏡則不能常護其瞳神也又如人生精神有限或因觀書等類過耗目力每致頭痛神倦眼目昏花故眼鏡一事在所必須雖然若以平常之眼鏡用之不惟無益反足以耗瞳精故必須以製造得法之眼鏡用之始能獲益余業此有年矣平日精心考究於製造眼鏡之法可謂得厥精微所製眼鏡前在英京及加刺吉打等處售賣卓著聲名今到叻中定於西本月二十四號即華九月初十日再在土庫花園邊末打里路第三號門牌內創設查考眼目之房一所每日由上午十點鐘起至下午四點鐘止均在此處接教至於尋常眼目之眼鏡則每對僅沽銀三元凡諸君到請查驗眼目者概不受謝併此佈告
西歷一千八百九十八年十月十號
刺沙勝士謹啟

蓋聞藥酒之功用甚宏何以市井懸壺屢試罔驗此非藥酒之不效殆亦所以製此藥酒者之未得其宜也惟本軒所製各項藥酒詳究醫理細訂良方復選地道藥材購醇醪而醱釀故其奏功甚速迥與別家不同即如追風去濕藥酒舉凡一切風濕等症服之皆效大樽價銀五角小樽價銀三角及滋補百歲藥酒性非寒燥固本扶元服之固可延年益壽每樽價銀四角又參茸三鞭藥酒如腎虧遺精體倦神疲服之並可壯陽而種子每樽價銀八角又車中跌打藥酒如跌打刀傷積瘀暴腫服之併可舒筋絡而止痛大樽價銀一元小樽價銀五角又婦人經期肚痛藥酒如經期不調肚痛白帶服之亦可調經而銷瘀每樽價銀四角 以上各項藥酒皆本軒精心監製屢試屢驗方敢出而問世所望 諸君沽而試飲方知余言不謬并希認明招牌古鼎為記庶不致誤惟本軒所擬各價係以平日所沽而論至逢每月初二十六日照價九折以廣招徠 一本軒係在新嘉坡牛車水大馬路戲園街口開張 一在新嘉坡小坡直街廣茂 異常經緯度數井然不紊所謂羅千星於咫尺者目今台事戰爭未生號寄售 一在芙蓉埠廣生號寄售 一在吉隆坡恒棧號寄售 已有正人心所宜亟為攷究者 諸君賜顧請移玉至本館面商可也
大清光緒二十四年六月廿九日
時雨軒主人謹啓

藥店召頂 ○啓者茲有藥店一間生理向堪過得祇以該店主人事務太煩不能顧及今欲將此店頂與他人承受有合意者請至叻報館面詢便得
光緒廿四年七月初三日
叻報館代啓

草聖暫駐 ○朝鮮尹君溪石草法本地人士已所欣賞今由吉龍而返叻現寓於單邊街新巨泰三樓開筆定於九月晦內動身其潤資均照舊例新到上海及金榜箋紙寄售
光緒廿四年七月十八日
啟

店舖出稅 ○啟者茲有店舖一間坐落溝仔墘第廿五號門牌即順源棧之隣前經該棧稅為貨棧者茲欲將其樓下及後樓出稅與人 諸君有欲稅住者請至墊那路頭豐興號內向余詢問便得特此佈聞
光緒廿二年十月廿四日
薛連錫謹啟

新印台灣地圖寄售 ○啟者茲有新印之臺灣地圖精細異常經緯度數井然不紊所謂羅千星於咫尺者目今台事戰爭未生號寄售 一在芙蓉埠廣生號寄售 一在吉隆坡恒棧號寄售 已有正人心所宜亟為攷究者 諸君賜顧請移玉至本館面商可也
大英一千八百九十八年七月一號
本館謹啟

時雨軒藥酒發售

豐源號

本號輪船往來各埠船期開列如左 在各埠往實叻日期
由麻六甲往芙蓉每逢禮拜二六日中午十一點鐘開行
由各埠回實叻之日
由麻六甲回芙蓉每逢禮拜二五日上午十點鐘開行
由芙蓉往吉隆坡每逢禮拜二六日下午六點鐘開行
由芙蓉往吉隆坡每逢禮拜二四日下午四點鐘開行
由麻六甲回實叻每逢禮拜二五日下午四點鐘開行
各輪船在叻往麻六甲吉隆坡實蘭午等禮拜五日三點鐘開行特此佈
豐源號謹啓


正金鐘標萬蘭池酒發客

戊戌年月份牌發客

啓者本館新印戊戌年華英月份牌現經告竣至本年刷印所以畧遲之書實緣明年晦朔節氣頗有參差本館鑒於前年叨地諸家之誤故有敢冒昧從事爰特按照欽定時憲由詳加校勘所有差餘氣節悉無訛舛庶得以仰副諸君子惠顧之殷至於圖畫之式亦已概改舊觀以期一新眼目諸君賜顧請移玉至本館面議價其相宜倘欲躉買更當格外從廉特此奉聞諸惟惠照

本館謹啓

鐵廚出售



所上有各票如無本行不殺呼峇華字者即爲假貨幸勿爲之誤買本行有厚望焉
大英一千八百九十八年正月十三號
不殺呼峇即前加珍洋行謹啟



啓者本公司所督辦正金花鐘標萬蘭池酒久已馳名叻地諸華商均喜用之現已議定與本坡酒公司包辦以應零沽凡華籍諸君有欲零沽者請至酒公司沽買便得如買成起以便配往外處者仍可至本行沽買至此酒

製造之法精妙異常酒味甚清以之蒸釀者皆爲上等之料保無偽充之弊此酒若在本坡沽飲甚屬合宜且價亦甚廉諸翁沽用須爲留心辨明以免魚珠之混現
新嘉坡不殺呼峇公司
專辦東木原庄頂上美酒發售
前係膠東木原庄頂上美酒發售
認明印標

紅首冠仔標萬蘭池酒出售

啓者本公司所製之紅首冠仔標萬蘭池酒馳名已久乃在歐洲名家所製自一千八百一十九年相傳至今已閱八十年之久而其酒有收存數十年方肯出而沽賣蓋者其熱氣概已全消所以諸君沽飲者均深獎譽現在歐洲一帶各國之人無不喜飲此酒因其氣味清香遠勝於他酒故也是以本行特辦此酒來叻發售自此酒到叻而後凡沽飲者無不盛稱其美且此酒與本坡天氣甚屬合宜諸翁賜顧祈細心辨認紅頭庄及以上所列各票頭并有來士古乙拿模只公司等西字爲憑庶免爲魚珠之混是所切盼



Bisquit Dubouche & Co.
COGNAC

其酒有收存數十年方肯出而沽賣蓋者其熱氣概已全消所以諸君沽飲者均深獎譽現在歐洲一帶各國之人無不喜飲此酒因其氣味清香遠勝於他酒故也是以本行特辦此酒來叻發售自此酒到叻而後凡沽飲者無不盛稱其美且此酒與本坡天氣甚屬合宜諸翁賜顧祈細心辨認紅頭庄及以上所列各票頭并有來士古乙拿模只公司等西字爲憑庶免爲魚珠之混是所切盼



大英一千八百九十七年二月十二號
不殺呼峇即前加珍洋行謹啟

啓者本行所售之鐵廚在本坡馳名已久素蒙各君購用莫不盛稱其妙計此廚之大小共有五種而價甚相宜此鐵廚乃歐洲著名工師所製極爲美善本坡所有西人齊習人以及作椒蜜生理諸華商多向本行沽買以爲貯銀之用因本行所沽者均用頂上物料製造而成不惟能壯觀瞻並且異常堅固無論火燒盜劫均可無虞貨美價廉莫此爲甚倘各君有欲購此廚以收藏重寶者可至本行選閱是幸此佈
英一千八百九十八年正月十三號
不殺呼峇公司即前加珍洋行啟

蜜酒出賣


烏密酒發賣

馳名鐵廚發售



嘗思營生之道所最要者則惟數簿其次則惟銀兩然必須有以善藏始無意外此本行鐵廚所以為 諸翁之所共賞也啟者本行所賣之鐵廚久已馳名於東方一帶而於叻坡則聲名尤著至本行購賣此等鐵廚已有三十年之久其製甚為堅固保能避火且其鑰匙甚妙斷非盜賊等所能開計其廚全身均用鐵製成並無雜以木料且諸廚自前至今均為一式堅固耐用

有優劣之分至於各廚大小不一而價值則約一百元至四百元凡用之者可保其不礙焚燒即火災亦無所損本行之鐵廚實為叻坡諸華商



所喜購而本行每年所沽亦殊不鮮茲特為之錄佈倘 諸君有惠顧者祈即玉臨選購為盼 大英一千八百九十八年正月一號 大清光緒二十三年十二月十八日

諸君有惠顧者祈即玉臨選購為盼 大英一千八百九十八年正月一號 大清光緒二十三年十二月十八日

三品出售



啟者本行督辦歐洲馳名三品洋酒來叻發售其酒係白頭款式發售有年沽飲 諸君莫不稱其香美奈近有無恥之徒假冒本庄三品酒款式以圖魚目混珠情殊可恨嗣後 諸君購買本行白頭三品酒者請細認本號招牌之內有小紙包頭註明華字新嘉坡明嗎也公司者始真若無此字樣即屬偽冒請為細認特此佈告 大英一千八百九十八年正月一號

明嗎也洋行謹啟

啟者本行向由英國督辦各種美酒來叻發售久已遐邇馳名茲復由英新辦到顏爾士斗雲字號之狗頭票烏密酒到叻應沽此酒香美異常不惟飲之可口且能保養精神調和血氣常飲令人不生疾病誠酒國中上品也 諸君光顧應細看以上所列之狗頭標庶不致誤且價甚相宜倘 諸君有欲酷飲者請至本行取用可也此佈 英一千八百九十八年正月一號 光緒廿三年十二月十八日 明嗎也洋行謹啟



啟者茲本公司親由法國督辦頂上好萬蘭池酒來叻發售其酒清香濃郁醇厚異常飲之誠可令人長血氣壯筋骨悅顏色妙美無窮今市上所有萬蘭池酒無有能出其右者誠佐饌中妙品也至此酒惟本公司一家沽出餘無別家出售 諸君光顧請細認蜂窠標頭為記並細辨香味方不致誤價甚相宜倘有劉伶之癖者祈早至惠臨購買是幸 英一千八百九十八年正月一號 大清光緒廿三年十二月十八日 明嗎也洋行謹啟

啟者茲本行由歐洲辦到上等蜜酒來叻發售其酒甚佳茲將標頭印出 諸君光顧祈為細認免致有誤近聞有無恥之徒假冒本行鎖匙標飲希圖魚目混珠最堪痛恨今本行再行核定於酒樽木枳內加鐵烙鎖匙形以示分別倘 諸君有知何人假冒請到本行報明即謝花紅銀二百大元經官訊定即能給發斷不食言再此酒不能販往 加勝巴 三寶龍 泗里末 望加錫 檳榔嶼 日裡等處其他埠均能運往並此佈聞 大英一千八百九十八年正月一號 光緒廿三年十二月十八日

明嗎也洋行謹啟

